

Na osnovu člana 127. stav (1) tačka n) Zakona o srednjem obrazovanju i odgoju („Službene novine TK“, broj 10/20, 11/20, 8/21, 11/21, 22/21, 5/22, 10/22, 11/22, 9/23 i 12/23), člana 81. Pravila medresa Islamske zajednice u Bosni i Hercegovini („Glasnik Rijaseta“, broj 11-12/2014) i člana 107 Pravila JU Behram-begove medrese, Školski odbor JU Behram-begove medrese je na svojoj 6. redovnoj sjednici, održanoj 20.12.2023. godine u Tuzli, donio:

PRAVILNIK o disciplinskoj i materijalnoj odgovornosti učenika JU Behram-begove medrese

I OSNOVNE ODREDBE

Član 1.

(Predmet pravilnika)

Pravilnikom o disciplinskoj i materijalnoj odgovornosti učenika JU Behram-begove medrese (u daljem tekstu: Medresa) uređuje se disciplinska i materijalna odgovornost učenika, vrste povreda obaveza i neispunjavanja obaveza, disciplinski postupak, odgojno-disciplinske mjere, žalbeni postupak, evidencija o izrečenim odgojno-disciplinskim mjerama i druga pitanja disciplinske odgovornosti učenika Medrese.

Član 2.

(Primjena i svrha)

- (1) Pravilnik se odnosi na sve učenike Medrese neovisno od razreda, vrsti i načinu pohađanja nastave i drugih oblika odgojno-obrazovnog rada.
- (2) Svrha izricanja odgojno-disciplinskih mjer je da se njihovim izricanjem utiče na promjenu ponašanja učenika kojem je mjeru izrečena te da bude poticaj drugim učenicima na odgovorno i primjerno ponašanje. Odgojno-disciplinske mjeru trebaju potaknuti učenike na preuzimanje odgovornosti i usvajanje pozitivnog odnosa prema školskim obvezama i okruženju.
- (3) Kriteriji na temelju kojih se izriče odgojno-disciplinska mjeru trebaju biti takvi da potaknu učenika na odustajanje od neprihvatljivih oblika ponašanja i usvajanje prihvatljivih oblika ponašanja, u skladu s pravilima i kućnim redom Medrese.
- (4) Nakon stupanja na snagu ovog pravilnika Medresa će upoznati učenike, a na roditeljskom sastanku, i roditelje/zakonske zastupnike učenika (u dalnjem tekstu: roditelje), o odredbama ovoga pravilnika.
- (5) Medresa će na početku svake školske godine upoznati učenike prvog razreda kao i njihove roditelje o odredbama ovog pravilnika.

Član 3.

(Gramatička terminologija)

Izrazi koji se koriste u ovom pravilniku, a imaju rodno značenje, koriste se neutralno i odnose se jednakno na muški i ženski rod.

II DISCIPLINSKA ODOGOVORNOST

Član 4.

(Obaveze učenika)

- (1) Učenici su obavezni poštovati pravila školovanja i opće akte Medrese, pridržavati se kućnog reda Medrese, pravila kulturnog i pristojnog ponašanja, etičkog kodeksa i kodeksa oblaženja, čuvati

imovinu, ugled i dostojanstvo Medrese i Islamske zajednice u BiH, drugih učenika, nastavnika, odgajatelja te uredno izvršavati svoje nastavne i druge obaveze.

- (2) Učenici su dužni ponašati se u skladu sa šerijatskim propisima, hanefijskim mezhebom i propisima Islamske zajednice u BiH.
- (3) Disciplinska odgovornost, u smislu ovog pravilnika, jeste odgovornost učenika za povredu obaveza i/ili neispunjavanje obaveza (u daljem tekstu povreda discipline) iz stava 1. i stava 2. ovog člana.

III VRSTE POVREDA DISCIPLINE

Član 5. (Vrste povreda discipline)

Povrede discipline mogu biti lakše i teže.

Član 6. (Lakše povrede)

U lakše povrede discipline učenika spadaju:

- a) neopravданo izostajanje sa nastave i drugih oblika odgojno-obrazovnog rada u broju koji za koji se može izreći odgojno-disciplinska mjera ukor razrednika, ukor odjeljenskog vijeća ili ukor direktora;
- b) učestalo neopravданo kašnjenje na nastavu i druge oblike odgojno-obrazovnog rada;
- c) samovoljno napuštanje nastave i drugih oblika odgojno-obrazovnog rada, prije završetka rada;
- d) nepoštivanje propisanih pravila ponašanja u skladu sa pravilnikom o kućnom redu;
- e) nepristojno odijevanje;
- f) ometanje izvođenja nastave i drugih oblika odgojno-obrazovnog rada u Medresi;
- g) neobavještavanje roditelja ili staratelja o rezultatima svog učenja i vladanja i neprenošenje poruka razrednika, odgajatelja, stručnih saradnika i ostalih nastavnika;
- h) neblagovremeno pravdanje izostanaka sa časova nastave;
- i) oštećenje imovine, prostorija, opreme i namještaja medrese i/ili druge organizacije u kojoj se izvodi nastava;
- j) oštećenje ili uništavanje ličnih stvari i pribora drugih učenika, nastavnika, odgajatelja i drugih zaposlenih u medresi;
- k) narušavanje estetskog izgleda Medrese i dvorišta (bacanje otpadaka, uništavanje sadnica i zelenih površina, pisanje po zidovima, školskom namještaju, opremi i učilima i sl.);
- l) skidanje s interneta bilo kakvog neprimjerenog, nedoličnog, nemoralnog materijala na računar u vlasništvu Medrese;
- m) upotreba mobilnog telefona ili drugih elektronskih uređaja u toku nastave bez odobrenja nastavnika;
- n) neopravданo izostajanje s korepeticija ili namaza u džematu Medrese;
- o) povreda drugih obaveza koje se ne smatraju težom povredom discipline učenika.
- p) drugi slučajevi propisani Pravilnikom o kućnom redu i Pravilima Medrese.

Član 7. (Teže povrede)

U teže povrede discipline učenika spadaju:

- a) omalovažavanje islamskog učenja i blasfemija;
- b) krađa;

- c) unošenje, davanje ili upotreba alkohola, narkotika i drugih sredstava ovisnosti, kao i podstrekavanje na njihovu upotrebu;
- d) bludne radnje;
- e) nemoralno i drugo ponašanje za koje se utvrđi da šteti ugledu Medrese i Islamske zajednice u Bosni i Hercegovini;
- f) prepravka podataka u svjedodžbi, diplomi, ili drugim javnim ispravama;
- g) prepravka ili dopisivanje podataka u pedagoškoj evidenciji i dokumentaciji koju vodi medresa;
- h) nošenje oružja, hladnog oruđa i predmeta kojima se mogu nanijeti povrede;
- i) unošenje eksplozivnih ili zapaljivih sredstava, opreme i uređaja koji mogu uzrokovati požar ili eksploziju;
- j) lažne dojave o podmetnutim eksplozivnim sredstvima u prostoru Medrese;
- k) neizvršavanje islamskih dužnosti;
- l) ponašanje koje odudara od obredoslovne prakse i učenja hanefijskog mezheba;
- m) višekratno ponavljanje lakših povreda discipline;
- n) nasilničko ponašanje i omalovažavanje učenika, nastavnika i ostalih radnika i saradnika Medrese;
- o) neprimjereno ponašanje prema nastavnicima, odgajateljima, učenicima i zaposlenicima medrese;
- p) izazivanje nereda ili tuče ili sudjelovanje u neredu ili tući;
- q) laž, potvora, vrijedanje i kleveta;
- r) klađenje, kockanje i igre na sreću;
- s) političko organiziranje ili djelovanje učenika u Medresi;
- t) nedopušteno snimanje i objavljivanje snimki (audio, video ili fotografija) učenika, nastavnika, odgajatelja ili drugih uposlenika medrese s ciljem da se vrijeda, ismjava ili izlaže poruzi drugi učenik, nastavnik, odgajatelj ili uposlenik škole ili prenošenje takvog sadržaja trećim licima,
- u) neovlašteno fotografisanje ili snimanje ili objavljivanje povjerljivih dokumenata ili stvari koje su u vlasništvu medrese;
- v) korištenje interneta ili drugog medija radi iznošenja mišljenja kojima se vrijeda nastavnik, drugi radnik medrese, medresa, Osnivač medrese, učenici medrese, roditelji učenika medrese ili druge osobe,
- w) neopravdano izostajanje sa nastave i drugih oblika odgojno-obrazovnog rada u broju za koji se može izreći odgojno-disciplinska mjera ukor ukor nastavničkog vijeća ili isključenje iz škole;
- x) zloupotreba mobilnog telefona ili drugih elektronskih uređaja i medija (smart satova, slušalica i sličnih uređaja);
- y) namjerno oštećenje ili uništenje školske imovine;
- z) konzumiranje cigareta, duhana, nargile, el. cigareta u internaru ili školskoj zgradici;
- aa) dovođenje trećih lica u prostorije medrese bez odobrenja ovlaštene osobe;
- bb) drugi slučajevi propisani Pravilnikom o kućnom redu Medrese i Pravilima medrese.

IV ODGOJNO-DISCIPLINSKE MJERE

Član 8. (Odgojno-disciplinske mjere)

- (1) Za lakše povrede discipline učeniku se mogu izreći sljedeće odgojno-disciplinske mjere:
 - a) ukor razrednika,
 - b) ukor odjeljenskog vijeća,
 - c) ukor direktora.

- (2) Za teže povrede discipline učeniku se mogu izreći sljedeće odgojno-disciplinske mjere:
- ukor nastavničkog vijeća,
 - isključenje iz medrese.
- (3) Odgojno-disciplinska mjera „isključenje iz medrese“ može se izreći kada izricanje ostalih odgojno-disciplinskih mjeru nije pozitivno djelovalo ili kada teža povreda naročito ugrožava interes i ugled medrese.
- (4) Odgojno-disciplinska mjera „isključenje iz medrese“ se obavezno izriče za teže povrede discipline iz člana 7. ovog pravilnika i to:
- omalovažavanje islamskog učenja i blasfemija;
 - krađa;
 - unošenje, davanje ili upotreba alkohola, narkotika i drugih sredstava ovisnosti, kao i podstrekavanje na njihovu upotrebu;
 - bludne radnje.
- (5) Za teže povrede discipline mogu se izreći i odgojno-disciplinske mjere predviđene ovim pravilnikom za lakše povrede discipline, ukoliko postoje naročito olakšavajuće okolnosti, ili je povreda učinjena iz nehata, ili ukoliko se i sa ovim mjerama može postići svrha izricanja odgojno-disciplinske mjere izuzev za povrede iz stava (4) ovog člana za koje se obavezno izriče odgojno-disciplinska mjera „isključenje iz medrese“.
- (6) Odgojno-disciplinske mjere „ukor nastavničkog vijeća“ i „isključenje iz medrese“ učeniku izriče nastavničko vijeće posebnim rješenjem.

Član 9. (Olakšavajuće i otežavajuće okolnosti)

- (1) Prilikom odmjeravanja i izricanja odgojno-disciplinske mjere uzeće se u obzir sve okolnosti koje utiču da mјera bude blaža ili strožija (olakšavajuće i otežavajuće okolnosti), a naročito: stepen odgovornosti, pobude iz kojih je povreda učinjena, posljedica učinjene povrede, okolnosti pod kojima je povreda učinjena, ranije ponašanje učenika, njegove lične prilike, ponašanje nakon učinjene povrede i druge okolnosti koje se odnose na ličnost učenika koji je učinio povredu discipline.
- (2) Potrebno je obezbijediti da izrečena mјera ostvari cilj odgoja i odgojno utječe na učenika, kako bi svoje ponašanje uskladio s normama ponašanja utvrđenim općim normativnim aktima Medrese.

Član 10. (Odgojno-disciplinske mјere za neopravdane izostanke)

- (1) Neopravdani izostanak s dnevne ili noćne korepeticije ili zajedničkog namaza u džamiji se tretira kao i izostanak s nastave.
- (2) Učeniku koji neopravdano izostane sa nastave, zajedničkog namaza u džamiji ili korepeticije izriču se odgojno-disciplinske mјere iz člana 8. stav (1) i (2) ovog pravilnika u zavisnosti od broja neopravdanih izostanaka.
- (3) Kriterij prema kojem se, zbog neopravdanih izostanaka s nastave, zajedničkog namaza u džamiji ili korepeticije, smanjuje ocjena iz vladanja je sljedeći:

Primjerno: 1-5 neopravdanih izostanaka,
Vrlodobro: 6-12 neopravdanih izostanaka,
Dobro: 13-18 neopravdanih izostanaka,
Zadovoljavajuće: 19-25 neopravdanih izostanaka,
Loše: 26-30 neopravdanih izostanaka,
Isključenje iz Medrese: 31 i više neopravdanih izostanaka.

- (4) Neopravdani izostanci se računaju za svaku od navedenih kategorija izostanaka posebno.
- (5) Zbog samovoljnog napuštanja nastave, zajedničkog namaza u džamiji ili korepeticije izrečena mјera može biti i strožija posebno ukoliko je učenik podstrekivao druge učenike da napuste nastavu,

zajednički namaz u džamiji ili korepeticiju, ili je svojim postupcima onemogućio održavanje nastave i korepeticije u odjeljenju ili Medresi ili zajedničkog namaza u džamiji.

Član 11.

(Pojačane odgojne mjere)

Učeniku kojem je izrečena odgojno-disciplinska mjera „ukor odjeljenskog vijeća“ Medresa je dužna da, uz učešće roditelja, pojača odgojni rad sa učenikom u okviru odjeljenske zajednice, stručnim radom razrednika, odgajatelja, pedagoga, posebnih timova, a kada je to neophodno da sarađuje sa odgovarajućim ustanovama socijalne odnosno zdravstvene zaštite na promjeni ponašanja učenika.

Član 12.

(Utjecaj odgojno-disciplinske mjere na ocjenu iz vladanja)

Izrečena odgojno-disciplinska mjera povlači snižavanje ocjene iz vladanja učenika:

- a) ukor razrednika, što povlači ocjenu iz vladanja "vrlodobro";
- b) ukor odjeljenskog vijeća, što povlači ocjenu iz vladanja "dobro";
- c) ukor direktora, što povlači ocjenu iz vladanja "zadovoljava";
- d) ukor nastavničkog vijeća, što povlači ocjenu iz vladanja "loše".

Član 13.

(Ublažavanje izrečene mjere)

- (1) Odgojno-disciplinska mjera, osim mjere „isključenje iz medrese“, važi za školsku godinu u kojoj je izrečena, a može se u toku školske godine ublažiti ili ukinuti ukoliko učenik svojim ponašanjem pokaže da je došlo do prestanka razloga za izricanje mjere.
- (2) Ublažavanje, odnosno ukidanje odgojno-disciplinske mjere vrši organ koji je mjeru izrekao, a na prijedlog razrednika i odgajatelja, odjeljenskog vijeća ili direktora u zavisnosti od toga koja je odgojno-disciplinska mjera izrečena.
- (3) Izuzetno, učeniku kojem je izrečena odgojno-disciplinska mjera zbog neopravdanog izostajanja sa nastave, izrečena mjera se ne može u toku školske godine ukinuti niti ublažiti.

V ŽALBENI POSTUPAK

Član 14.

(Žalba)

- (1) Na rješenje o izricanju odgojno-disciplinskih mjeri „ukor nastavničkog vijeća“ i „isključenje iz medrese“, učenik odnosno njegov roditelj, može izjaviti žalbu školskom odboru u roku od sedam dana od dana dostavljanja rješenja.
- (2) Ako roditelj podnese žalbu u skladu sa ovim članom, izvršenje odgojno-disciplinske mjere „isključenje iz medrese“ odgadja se do odluke o žalbi, izuzev ukoliko ostanak učenika u školi predstavlja prijetnju za sigurnost drugih učenika ili radnika.
- (3) U odlučivanju po žalbi iz stava (1) ovog člana, Školski odbor u roku od osam dana može:
 - a) odbaciti žalbu kao nedopuštenu, neurednu ili neblagovremenu;
 - b) odbiti žalbu kao neosnovanu i potvrditi odluku nastavničkog vijeća;
 - c) prihvatiti žalbu kao osnovanu i vratiti predmet na ponovni postupak nastavničkom vijeću;
 - d) prihvatiti žalbu i preinaciti odluku nastavničkog vijeća.
- (4) Odluka školskog odbora je konačna i protiv iste nije dozvoljena žalba.

VI POSTUPAK ZA UTVRĐIVANJE ODGOVORNOSTI UČENIKA

Član 15.

(Postupak za utvrđivanje odgovornosti učenika za učinjenu lakšu povredu discipline)

- (1) Odgojno-disciplinske mjere za učinjene lakše povrede discipline: „ukor razrednika“, „ukor odjeljenskog vijeća“ i „ukor direktora“, izriču se učeniku bez vođenja disciplinskog postupka.
- (2) Postupak za utvrđivanje odgovornosti učenika za učinjenu lakšu povredu discipline, na osnovu neposrednog saznanja ili prijave od strane drugih lica, pokreću i vode razrednik i odgajatelj i o istom obavještavaju učenika i roditelja.
- (3) U postupku utvrđivanja odgovornosti za učinjenu lakšu povredu discipline razrednik i odgajatelj su dužni da uzmu izjavu od učenika te, ukoliko je to moguće, prikupe i druge izjave i dokaze radi utvrđivanja odgovornosti učenika za učinjenu povredu discipline.
- (4) Nakon pribavljanja izjava učenika i drugih dokaza razrednik i odgajatelj su dužni sačiniti izvještaj sa prijedlogom za izricanje odgojno-disciplinske mjere i dostaviti ga nadležnom organu na odlučivanje.
- (5) Odgojno-disciplinsku mjeru „ukor razrednika“ izriče razrednik.
- (6) Odluku o izricanju odgojno-disciplinske mjeru „ukor odjeljenskog vijeća“ donosi odjeljensko vijeće, na prijedlog razrednika i odgajatelja, većinom glasova od ukupnog broja članova.
- (7) Odluku o izricanju odgojno-disciplinske mjeru „ukor direktora“ donosi direktor na prijedlog odjeljenskog vijeća.
- (8) Odluku o izricanju odgojno-disciplinske mjeru „ukor nastavničkog vijeća“ donosi nastavničko vijeće, na prijedlog odjeljenskog vijeća, većinom glasova od ukupnog broja članova.
- (9) O izrečenoj odgojno-disciplinskoj mjeri razrednik je dužan da obavijesti učenika na prvom narednom času odjeljenske zajednice, a roditelja odmah nakon izricanja odgojno-disciplinske mjeru, a najkasnije na prvom narednom roditeljskom sastanku.

Član 16.

(Disciplinski postupak)

- (1) Odgovornost učenika za počinjenu težu povredu discipline iz člana 7. tačka a) do d) ovog pravilnika obavezno se utvrđuje u disciplinskom postupku.
- (2) Disciplinski postupak se vodi i u slučaju utvrđivanja odgovornosti učenika za druge teže povrede discipline iz člana 7. ovog pravilnika ukoliko mu je već izrečena odgojno-disciplinska mjeru „ukor nastavničkog vijeća“.
- (3) Disciplinski postupak za utvrđivanje odgovornosti učenika za učinjenu težu povredu discipline iz stava (1) i (2) ovog člana pokreću razrednik i odgajatelj, na osnovu neposrednog saznanja ili prijave od strane drugih lica, u roku od 15 dana od dana saznanja za disciplinsko djelo, a najviše u roku od 3 mjeseca od učinjenog disciplinskog djela.
- (4) Prijavu za učinjeno disciplinsko djelo može podnijeti svako lice.
- (5) Nakon zaprimanja prijave razrednik i odgajatelj su dužni da uzmu izjavu od učenika te, ukoliko je to moguće, prikupe i druge izjave i dokaze radi utvrđivanja odgovornosti učenika za učinjenu povredu discipline.
- (6) Nakon pribavljanja izjava učenika i drugih dokaza razrednik i odgajatelj su dužni sačiniti izvještaj o učinjenoj težoj povredi discipline (u dalnjem tekstu: disciplinska prijava) i isti zajedno sa dokazima dostaviti direktoru na postupanje.
- (7) Disciplinska prijava obavezno mora biti u pismenoj formi i sadržavati naziv podnosioca, ime i prezime učenika, razred i odjeljenje koji učenik pohađa, mjesto, činjenični opis, vrijeme i način počinjenja povrede discipline, datum saznanja i potpis kao i dokaze, ako postoje.
- (8) Nakon zaprimanja disciplinske prijave iz prethodnog stava ovog člana direktor će istu razmotriti i donijeti odluku o pokretanju disciplinskog postupka ili zaključak o odbacivanju.
- (9) Istekom roka iz stava 3. ovog člana nastupa zastara za pokretanje postupka.

Član 17.

(Odbacivanje disciplinske prijave)

- (1) Kada direktor primi disciplinsku prijavu, provjerava da li ima smetnji za pokretanje disciplinskog postupka, pa će odbaciti disciplinsku prijavu u sljedećim slučajevima:
- ako radnja opisana u disciplinskoj prijavi nije propisana kao povreda discipline,
 - ako je nastupila zastara za pokretanje disciplinskog postupka,
 - ako je učenik prestao pohađati medresu.
- (2) Odbacivanje disciplinske prijave vrši se zaključkom.

Član 18.

(Pokretanje disciplinskog postupka)

- (1) Disciplinski postupak je hitan i provodi se bez odlaganja.
- (2) Ukoliko direktor iz disciplinske prijave i dostavljenih dokaza oceni da postoji osnovana sumnja da je učenik počinio težu povredu discipline iz člana 7. tačka a) do d) ovog pravilnika ili je počinio drugu težu povredu discipline iz člana 7. ovog pravilnika ali mu je već izrečena odgojno-disciplinska mjera ukor nastavničkog vijeća donijet će odluku o pokretanju disciplinskog postupka protiv učenika.
- (3) Odluka o pokretanju disciplinskog postupka sadrži podatke o učeniku protiv kojeg je pokrenut postupak, činjenični opis povrede discipline, pravnu kvalifikaciju disciplinskog djela, prijedlog dokaza koji će se izvesti u postupku, obrazloženje, prijedlog disciplinske mjere i ostale podatke potrebne za vođenje postupka.
- (4) Odluka iz stava (3) ovog člana dostavlja se učeniku odnosno njegovim roditeljima ukoliko je učenik maloljetan.
- (5) Na odluku o pokretanju disciplinskog postupka nije dopuštena žalba.

Član 19.

(Komisija za utvrđivanje disciplinske odgovornosti učenika)

- (1) Disciplinski postupak vodi komisija koju rješenjem imenuje direktor za svaki pojedinačni slučaj.
- (2) Komisija radi u punom sastavu, a svoje odluke donosi većinom glasova.
- (3) U postupku utvrđivanja disciplinske odgovornosti učenika predsjednik komisije pismenim putem obavještava učenika odnosno roditelja učenika, kao i ostale učesnike i svjedoke o datumu održavanja usmene rasprave.
- (4) Pismeno obavještenje dostavlja se učeniku odnosno roditelju učenika preporučenom poštom s povratnicom, ili preko zaposlenih u medresi najkasnije 3 dana prije dana određenog za održavanje usmene rasprave.

Član 20.

(Usmena rasprava i zapisnik o saslušanju)

- (1) Komisija je dužna da učenika sasluša, obavezno u prisustvu roditelja ako je učenik maloljetan i o tome sačini zapisnik.
- (2) Zapisnik treba da sadrži: datum, vrijeme i mjesto sačinjavanja zapisnika, ime i prezime članova komisije i zapisničara, ime i prezime učenika, odjeljenje i razred koji pohađa, imena svjedoka, kratak opis povrede discipline, kratko formulisana pitanja i sažete odgovore na njih, kao i odbranu učenika.
- (3) Zapisnik potpisuju svi članovi komisije, učenik, odnosno roditelj ako je učenik maloljetan, svjedoci i zapisničar.
- (4) Komisija može saslušati i roditelja, ako smatra da je to potrebno.
- (5) Pored saslušanja komisija može, po potrebi, da prikupi i druge dokaze ukoliko isti doprinose potpunijem utvrđivanju činjenica odnosno okolnosti pod kojima je povreda discipline učinjena.

- (6) Zapisnik o saslušanju sa ostalim dokazima komisija će dostaviti odjeljenskom vijeću koje će utvrditi prijedlog za izricanje odgojno-disciplinske mjere i isti dostaviti nastavničkom vijeću na odlučivanje.

VII EVIDENCIJA O IZREČENIM ODGOJNO-DISCIPLINSKIM MJERAMA

Član 21.

(Evidencija o izrečenim odgojno-disciplinskim mjerama)

- (1) Evidenciju o izrečenim odgojno-disciplinskim mjerama vodi razrednik.
- (2) Izrečene odgojno-disciplinske mjere "ukor razrednika", "ukor odjeljenskog vijeća", "ukor direktora" i "ukor nastavničkog vijeća" upisuju se u odjeljensku knjigu u koju je učenik upisan.
- (3) Izrečena odgojno-disciplinska mjera "isključenje iz medrese" upisuje se u matičnu knjigu u koju je učenik upisan.
- (4) Za ispravnu evidenciju odgovoran je razrednik.

VIII MATERIJALNA ODGOVORNOST UČENIKA

Član 22.

(Materijalna odgovornost učenika)

- (1) Učenik odnosno njegov roditelj odgovara za materijalnu štetu koju učenik nanese Medresi, namjerno ili iz krajnje nepažnje.
- (2) Ako štetu prouzrokuje više učenika, svaki učenik je odgovoran za dio štete koji je prouzrokovao.
- (3) Ukoliko se ne može utvrditi dio štete koji je prouzrokovao svaki učenik, smatra se da su svi učenici podjednako odgovorni i štetu nadoknađuju u jednakim dijelovima.
- (4) Za štetu odgovara i učenik koji je pomagao ili podstrekivao prouzrokovanje štete.

Član 23.

(Komisija za procjenu štete)

- (1) Na osnovu podnijete prijave o prouzrokovanoj šteti ili na osnovu ličnog saznanja, direktor medrese pokreće postupak za utvrđivanje štete i odgovornosti učenika za prouzrokovanoj štetu.
- (2) Postojanje štete i okolnosti pod kojima je nastala, procjenu štete i odgovornost učenika koji je štetu prouzrokovao utvrđuje Komisija za procjenu štete koju za svaki pojedinačni slučaj imenuje direktor.
- (3) Komisiju čine tri člana i to pomoćnik direktora za internat koji je ujedno i predsjednik komisije, odgajatelj i razrednik učenika.
- (4) Komisija radi u punom sastavu i o svom radu vodi zapisnik.
- (5) Dužnost komisije je da utvrdi materijalnu štetu i da procjeni iznos nadoknade.
- (6) Visina štete utvrđuje se na osnovu cjenovnika i knjigovodstvene vrijednosti oštećene stvari, a ako to nije moguće komisija procjenjuje visinu štete uz pomoć stručnih lica.
- (7) Na osnovu procjene Komisije direktor donosi odluku o visini i nadoknadi materijalne štete.
- (8) Ne može se odrediti veća šteta od stvarne cijene, niti se može odrediti plaćanje nadoknade na štetu zgrade i inventara koja je nastala zbog redovne upotrebe.
- (9) Direktor može odlučiti da učenik ili njegov roditelj bude djelimično ili u potpunosti oslobođen naknade štete u slučaju kada bi nadoknada dovela učenika i njegovu porodicu u tešku materijalnu situaciju.

Član 24.

(Prigovor na odluku o nadoknadi štete)

(1) Na utvrđeni iznos nadoknade štete, roditelj ima pravo prigovora Školskom odboru u roku od 8 dana od dana prijema odluke o naknadi štete.

(2) Odluka Školskog odbora je konačna.

Član 25.

(Sudski postupak)

Ukoliko roditelj u određenom roku ne nadoknadi štetu, Medresa može putem nadležnog suda tražiti nadoknadu štete.

IX PRELAZNE I ZAVRŠNE ODREDBE

Član 26.

(Stupanje na snagu)

(1) Ovaj pravilnik stupa na snagu danom objavljivanja na oglasnoj tabli medrese.

(2) Stupanjem na snagu ovog Pravilnika stavlja se van snage Pravilnik o disciplinskoj i materijalnoj odgovornosti učenika JU Behram-begove medrese broj: 01-02-1-237/12 od 4.5.2012. godine.

Broj: 01-02-1094/23

Datum: 20. decembar 2023. god.

Muftija Vahid-ef. Fazlović
PREDSJEDNIK ŠKOLSKOG ODBORA



